



Bájkkeavijssa NuorttaSálto

Áhkkos Soahke-luovtan

Ellen Nikoline Knutsen (98) riegádij Davve-Vássjån Sisneþ Divtasvuonan Snjilltjamánon 1912. Jaget mañnela oadtjun nissuna vuonan jienastimriektáv sæmme mieren gá álmma. Valla Ellen Nikoline iellem ij le agev læhkám álkke.

98-jahkásasj árru sijdan aktan fámilljajnis, guovte ietjá buolvaj siegen sæmme dæhkko vuolen. Dánna juogadi subtsasijt ja aktisasjvuodav, ja Ellen le juohkkahattjaj ieddne. Sunji maná, áhkkova, manje ja vivá báhti gá máhtudagáv dárbaði dälusjájge birra. Sån le iellema dálá lágásj. Lieggi ja tjuovggá, ja diehtá vássám ájges.

Sjabes ja jiermmá

Ellen Nikoline le vuorasvuodan vilá sjabes ja jiermmá. Bávtjas nárás nárásuottadimes dijmásjage gáhtsat suv hálvva, valla juska de ruosot sofas ja veránndaj vádtsemstávlájn maná gá Bájkkeavijssa le guossen.

- Jus ij lim nárás bávtjas de ejma la nahkat suv tsaggat, májádi bárnnes. Hálvva tjalmij vájvástuvvá. Láhkamtjalmmeglása li bievdn.
- Da li inemusát hærvvan, tjajmat ja duoddij ij vuojga avijsajt lågá.
- Gádágijt ij ga ane nav álu gá ávddála.
- Lev gal nuohkásav gádám, javllá dan ássje birra.

Bajássjaddam vuonan, Davve-Vássjån ja Rássenjårgan, le sujna guhka histávrrá

duogen moadda dáhpádusáj man birra dálásj nuora histávrrágirijn máhtti láhkát. Ja Ellen Nikoline le rubmahin dav dábdám. Ietjas boadnjev Jon Knutsen láhppij snjuktjamánon 1958. Dalloj báhtsi aktu guhtta manáj.

- Rijbadij gal buoragijt, subtsas William, guhti árra ideda jagen 1983 iednes ja fámiljav buollem sijdas Soahkeluovtan gájoj.
- Gájkka buollemijn gájoj. Gávne dálutjis sjalla buollin, mujtádallá hájet. Uddni árru fámillja vargga sæmme goahtedajvan tjáppa, ádá goaden mij buollema mañnel tsieggiduváj.

Lågenanjagák dárojduhttemájgen

Lågenanjagágin vásedij Ellen Nikoline garramus dárojduhttemav 1930-jagijn. Jages 1915 ij lim loahpe sámemánájda ietjas iednegielav skávlån sáhkadit. Valla Ellen sihke dárus ja sámás, inemusát sámás fámilljajn. Sjabes 98-jahkásasj le loabdes nissun. Dav le agev læhkám, subtsasti bárnnes. Ij sån vuojga berustimev sidá, ij ga gá tjálle gávvimapparåhtav åhtsá. Ij ga



Gálmma buolva oaggen ja boandodibmen nubbe nubbáj. Bárnne William ja Áhkkov Janette aktan Ellen Nikolinejn. **Tre generasjoner til støtte og berikelse for hverandre.** Sønnen William og barnebarnet Janette sammen med Ellen Nikoline.



Stuorra gijtto Sidsel Lundaj gá máhttelisvuodav áttjudij ievvitijt Ellen Nikoline Knutsenav ja fámilljaj guhti Bájkkeavijssaj uvssajt rabáj. **En stor takk** til Sidsel Lund som gjorde møte med Ellen Nikoline Knutsen mulig, og til familien som lot Lokalavisa få komme inn.

Guhkes iellem. Janette adnal áhko Ellen Nikoline birra. **Et langt liv.** Janette holder godt rundt ho mor Ellen Nikoline.

skihppiisjiddaj sidá. Suv áhkkov Magda suv viehket sujttimijn ja praktihkalasj ássij.

- Sáj gal dahkaba gák sunnu mielas le buoremus, subtsas bárnnes William.
- Duolli ájádálájma jus lij sunji buoremus skihppiisjiddaj boahdet, valla de nammadij dajt nuppijt rádnájs gudi fámilljajnis sijdan árrun. Dat rájes ij la dan ássje birra sáhka sjaddam. Loabdde le aj vuorasvuodajnis.
- Áhkkuj mannep gá ássje dálutjis galggi tjuovgaduvvat.

Sjabes gák le de álu Ájluoktaj manát.

- Råmbuvdaj guorriv gá le filkka, subtsas sån.

Dá bieje le aj rádnájt guossidime.

Loabdes

Ellen Nikoline muohto le tjáppagijt birástuvvam moadda ja tjelgas joajmos ja guokta russkij tjalmijn le nav állo sisadno. Sån lij vidájagák gá ruosjalasj revolusjávnná álgij jagen 1917, ja le vásedam goappátijtj vearáldoarojt ja aj garrasamos dárojduhttempolitihkav 1930-jagijn. Tjáppa sjabes áhkásj ij sælldát javla, valla vuoset gievrudagáv ja buorrevuodav. Sån le árvugis ja álu májudallá, valla ávddånboahdá gá ilá állo sáhka sjaddá ja gá gávviduvvá sierraláhkáj unugasstá. Gá nubbe

bárnestis sihtá suv subtsastittjat de vásstet:

- Iv nav buoragijt desti mujte. Ellen Nikoline le áhkásj guhti áskulattjat le fámilja ávdás læhkám, valla ij ájgo ávdedit stuoráp jali unnep dáhpádusájt ietjas guhka iellemis. Giedajt asken vuojnadasstá, ja guhka biedjis vuoppta gahtsahi loadtjat hestasjebben hárdon. Gáktsa oarbenijs le sån ájnna guhti le báhtsám. Ávddål vállduj Knutsen lij nammas Paulsen.
- *Le gus duv mielas tjoaskes dálvve dá jage læhkám, gatjádastáv.*

De njálgugijt tjajmat ja javllá:

- Iv dábdá jus le tjoaskes jali bivval álggon, goaden le ham nav buorre ja bivval, májudasstá.

Dá jage rikjagasskasasj nissunbiejvve ávvudallá 100 jage. Biejvve aneduvvá rahtjambiejvven gánná dássádus ja nissunij riektá tjalmostahteduvvi. Ellen Nikoline le iellem gal læhkám sávres, nav gák le læhkám moadda ietjádijda álgoálmuknissunij vearáldav birra. Ietjas iedne vájmujn ja huvsojn le sån aktan guojmmeoappájnis ietjas buolvan læhkám vuodo udnásj tjoavdádallam sámé nissunijda. Loabdes, valla ij gal árvodis.